

حتى طلوع الفجر

شيماء عزت

إسرق فرح ..

عبيه

وياك في كام سنطه

ياما ..

قاسيت ونسيت

الضحك يجي منين

وياك باشوف الكون

فيه السبعة ألوان

نفسى أعيش وياك

ماندمشي ع الضحكه

وماخفشي من بكره

الكلمه تبقى طريق

معروف نهايته لفين

والغنوه تبقى نشيد

لوعود ماينموتشي

تحلب أمل م الخوف

تدي النجوم بسمه

علشان تنور لك

حتى طلوع الفجر

إفرد جناحك طير

عايزاك تطير لمح

لمحه ..

تهز الكون

تملاه غنا ونشوه

أيوه الرياح قاسيه

تقدر تبص لفوق

تدي الرياح ضربه

لازم تكون قاضيه

تقدر تغني حياه

تديني كام نظره

شايله الدفا في الحضن

iCulture

Empowering creative minds



والحُضن يعني قلوب
بتبوس جدار كعبه
الحُضن يعني ورود
عايزه الندى والشمس
عايزه الربيع على طول
يعني السما السابعة
بتشوفها عين عاشقه
بتعدّي سور ورا سور
الحُضن يعني غريق
يفضل ينادي باسم
محبوبه قبل الموت
الحُضن يعني البحر
فيه ألف الف حياه
يفضل ينجي الشمس
والشمس جمره نار
بيحب نور البدر
بيشوفه رقصه "سلو"
رغم الهوى المسنون
بيشوفه تصبيره
حتى طلوع الفجر

iCulture

Empowering creative minds